

Mbanjgauhding: Aen Dungcai Ceiq Gyaeundei Caeuq An'onj Huzndei


高定寨：最漂亮和安详侗寨

□ Gauh.Dungz.ingj


Aenmbanjyouq laj ndit engq gyaeundei.



▲ Byaij haeuj ndaw mbanj raen daegsaek.



▲ Ranzcanx onjdwat daengj youq byonghbya.



▲ Vunzmbanj doxbang guh ranzmoq.



▲ Gyoengqnyez ndaw mbanj guh'angq.

Sanhgyangh Dungcu Swciyen Duzdung Yangh Mbanjgauhding dwg gij mbanj Dungcu Guengsae raeuz baujhoh louzce ndaej haemq ndei ndawde aen ndeu, ndaw mbanj mbouj miz saek aen ranzlaeuz suijniz, cix dwg ranzlaeuz benjfaex ciuq gij fuengfap dajcaep conzdungj Dungcu, hwnjguh youq gwnz lingq goengqbo, mbouj aeu saek diuz dingdiet, cienzbouh dwg baengh canghaep gag suenq gag caep, aeu conghsiuq, dingfaexcuk doq gap guhbaenz, daengj baenz bak bi mbouj doemq, dwg aen mbanj Dungcu louzce yiengh sengcingz ciuhnduj haemq ndei ndeu.

Gauhding, gij eiqsei vah Dungcu dwg ngiengx gyaeuj enj aek. Mbanjgauhding gungh miz 6 aen laeuzgyong, moix gyog fuengzcug aen ndeu, youz vunz ndaw fuengzcug gag okngaenz hwnjguh. Mbanjgauhding miz seiq aen fuengzcug guh le laeuzgyong, lingh miz aen laeuzgyong hung ndeu dwg aen daengx mbanj, lij miz aen iq ndeu dem dwg gaxgonq aeu gij mingzdaeuz swnghecanjdui ma

hwnjguh; ndawde miz aen laeuzgyong ndeu gig daegbied, heuhguh laeuzgyong saeu dog, daengx aen laeuzgyong cij miz diuz saeu hung ndeu daemxdingj, daj neix ndaej rox gij coengmingz caeuq dinfwngz ndei vunz Dungcu lo. Byaij bae yawj gij laeuzgyong neix, cix boiqfug gij dinfwngz dajcaep ndeindiq vunz Dungcu, ciuq gyoengqde gangj, gyoengqde guh laeuzgyong roxnaeuz guh giuzndojfwn roxnaeuz guh ranzcanx, cungj mbouj yungh veh dozceij gvaq, cungj dwg baengh boux saefouh ciuq ndawsim siengj caeuq gingniemh bae guh, guhbaenz le mboujdan dinfwngz ndei yienghsiengq lengj, caiqlij maenhdwt yungh ndaej nanz, fwn dub ndit dak rumz bongj, bi gvaq bi, lij louzce gij gyaeundei caeuq simsaenq hawj raeuz.

Youq ndaw mbanj byaij ha byaij, dinglingz ndaej raen vunzmbanj cingq guh ranzcanx moq, gyoengq vunzmbanj cingq baizdoih dwk ndenq vax hwnj dingjranz gang vax, daihgua ganggangj riuriu, angqyangz doxhuz.

Yienznaeuz seizneix gak ranz gag guh, hoeng ndaw mbanj vunzlai lij dwg doxbang doxcoengh, miz ranz lawz guh ranzmoq, ranz lawz ndaw ranz banh saeh, daihgua cungj gagnyienh daeuj bang ok di rengz, cungj simndei neix hawj hekyouz boiqfug.

Youq ndaw Mbanjgauhding, byaij gvaq giuzndojfwn, bin hwnj laeuzgyong saenzgeiz daegbied, ndoet gwn youzcas homftw, dingq gij golaux rwenzred gokhap haenx le, laihnaeuz gijneix couh yawj doh fungcingz caeuq saenzgeiz Mbanjgauhding lo, hoeng vunzlaux ndaw mbanj naeuz, danghnaeuz dwg seiz cousou geizciet daeuj, daengz seizde gyoengq lwm-bauq dahsau ndaw mbanj okrog dajgoeng doegsaw haenx dauqma, diuq gij foux angqyangz, boq gij aenvenz gokrwd sepset haenx hwnjdaeuj, caiq youq ndaw sing go laeuj hom ngaizbakranz daejniemh gij saedceij gyaeundei vunz Dungcu, cij dwg ceiq gyaeundei ceiq angqyangz ne, dingq le caen hawj vunz siengjmuengh ha!



▲ Baengzromj nyumx ndaej ndaemndwt ronghlwenq.




▲ Bouxhek daengz ndaw mbanj hagdangz yawjngonz kagseng.



▲ Saedceij vunzmbanj andingh vuenyungz.



▲ Haeuxgwn fungsou cang rimmwd.



► Laeuzgyaeu gyang mbanj vienhda dangqamaz.